



14-04-2023

UPA2023/173
Jens Napātôk', Naleraq

Meeqqat piitsuussusaannut, ajornartorsiutip annertussusaanut aamma ajornartorsiummut qanoq iliorluni qaangiiniarluni aaqqiissutissaq pillugu apeqquteqaat aallaavigalugu oqallinnisamik siunnersuut.

(Inatsisartunut ilaasortaq Asii Chemnitz Narup, Inuit Ataqtigiit)

Oqaaseqaat

Siullermik Inatsisartunut ilaasortaq Asii Chemnitz Narup, Inuit Ataqtigiit apeqquteqaat aallaavigalugu oqallisissiatut siunnersuuteqarninnut Naleqqamiit qutsavigerusuppatsigit apeqquteqaat aallaavigalugu oqallinnissamut imatullu oqaaseqaateqassalluta.

Oqallisissiaq pingaaruteqartorujussuartut isigigatigu Naleqqamiit oqaatigeriissavarput, tassami naluneqanngilaq allannguiniarluta qineqqusaallaratta Inuit Ataqtigiit allanngueqataarusulluni qineqqusaarnerani Naleqqamiit neriulluarluta tapersiisimagaqaagut aammalu Naalackersuisunngortitsiniarnermi allannguiniarneq upperalutigu peqataasimavugut, taamatullu allannguiniarnermi aamma ilaasimagaluarput meeqqat inuusuttullu atugaasa pitsanngorsaaffiginissaat, taamaammallu meeqqanut inuusuttunullu suliniuteqarnissarput upperalutigu allannguerusullutalu Naalackersuisooqataalernitsinni meeqqanut inuusuttunullu Naalackersuisoqarfimmik pilersititsinissaq suleqataaffigisimavarput qanoq iliuuseqartoqarnissaanik sulisoqalerniassammat qinersivimmi uani siunissamullu pitsanngorsaataasunik alloariartoqarnissamut sulilluta aallartinniassagatta. Naalackersuisooqataanitsinni siunnerfiit aaqqissuullugit susassaqtut suleqatigalugit periusissiusasugut isumaqtigiisutaanikuugaluarpoq uggornaraluartumilli Inuit Ataqtigiit Naalackersuisooqatiginerani Meeqqanut inuusuttunullu Naalackersuisoqarfik tigummineqariarluni annertunerusumik angusaqarfigineqarani Naalackersuinikkut qanoq iliuuseqarfiginissaa Naleqqamiit pingaartillutigu Naalackersuisoqarfik Naleqqamiit inuttalersimavarput aammalu siunnerfiit assigiinngitsut suliarlugit aallartissimasut maannakkut ilamininngui ingerlaqqittut takusinnaavarput. Uggornarpoq assorujussuaq, Naleqqamiit uggoraarput qulequtaq pineqartoq suliniutissat allat assigalugit taamatut pingaaruteqartigisoq



maannakkut qinersiviup qeqqa qaangereeraa Partiimi siuttuusunit Naalackersuisuutitaqartuniit maannakkut apeqquteqaat aallaavigalugu qanoq iliorluni qaangiissutissaq pillugu apeqquteqaatigineqarluni oqallinnisassaq kissaatigineqarpat. Tamannalu qinersivimmi uani qanoq iliuseqanngitsoornermik ersertitsisuunerpa?

Nunarput isorartoorujussuaq aallaavigalugu nunap inui aallaavigalugu oqallisissiaq 10 min. iluani oqaaseqartussaalluta meqqat piitsuusutaannut tunngasut pillugit oqaasererusutagut tamaasa oqaatigisinnaannginnatsigit oqaatigeriissavarput.

Naligiinnginnerujussuaq nunatsinni annertoorujussuaq ilungersunartorujussuarmik inuppassuit inisisimaneranik atugaqartitsivoq. Inuit ataqatigiit naligiinnerulernissamik politikeqartarnikuusoq qivaraanni maannamut aaqqiissuteqanngisaannarluni ingerlajuarnera Naleqqamiit ilungersunartutut isigaarput naligiinneruneq annertusiartorani naligiinnginnerujussuaq annertusiartormat pisoorsuit pisuunngoraluttuinnartut ulluinnarnilu inuuniapiloortut pissakinnerusut atugaat ajorsigaluttuinnartut.

Meeraqarneq akilersinnaanerusariaqartoq Naleqqamiit isumaqarfigaarput, taamaammallu uani ataatsimiinermi Naalackersuisooqatigiit ilinniartut meeqqanut tapitut tunniuttagaat meeqqamut ataatsimut 1000 kr-imik naleqartoq Naalackersuisooqatigiit peerniarmassuk assorujussuaq uggor-narpoq, tassa soorunami pissakinnerusut ikiorserniarlugit aammalu taakku atugaasa pitsaanerulersinnisnaanut aaqqiiniarnerugualuarpoq, taamaattorli Naleqqamiit uggoraarput pakatsissutigingaarlutigulu akunnattumik isertitaqartut meerartaasa aammarluni ajornerusumik inissinneqaler-nerat assorujussuaq Naleqqamiit uggorigatsigu.

Inuit nammineq pilersornerunisnaanut aqcutissiuussisariaqarpugut tassami ilaqtariit meerartallit aalisakkamik tunigukkit ullumi qaarsillarlutik nerissapput, kisiannili nammineq pilersornisnaanut anguniagaqarluni aalisaammik tunigukkit taamatullu aalisarnisnaanik periarfissarsiorukkit nammineq pilersulissapput, taamaammattunioraasoqaannarani inuit nammineq pilersornisnaanut aqcutissiuussinerit pisariaqarluinnalersimapput maannakkut ukiuni makkunani periarfissarsiorani inuit nunap inui aporfilersorneqarnerat ingasappallaarujussuaqaaq.

Piniakkat killilersugaanerujussuat aamma nunaqarfinni isorliunerusunilu imaannaanngitsumik pilersuiniarnermut sunniuttai annertoorujussuusarput. Ilaqtariit meerartarlit piniagassat killilersukkat



Naleraq

isiginnaaginnartussanngorlugit inissimasarput tamanna inuusaatitsinnut naapertuutinngilaq aqqittariaqarluinnartut ilagaat ila Inuit Ataqtigiit paasilaarsiuk killilersuinerujussuaq ingasattarjaarnermik ingerlavoq taamaammatt meeqqat nerisaqarnissaanut nunap inui illersornerusariaqarpagut nammineq neqissaqarnikut pilersornissaraluaat killilersorpagut sineriatsinni.

Nunat allamiut aallaavigalugit aqqissuusiniarnerpassuit nunatsinnut naleqqutinngitsut atorlugit qallunaarnippallaamik eqqarsarluta aningasaq kisimi qitiutillugu pitsuussusermik sinaakkusersuilluta aqqissuusisinnaanngilagut taamaammatt una oqallisissiaq pingaaruteqartorujussuaq nunatsinnut nunallu inuinit naleqquttumik aqqissuusisinikkut alloriarluta aqqissuussilernissatsinnut alloriarfiginiartigu.

Taamatut piffissarititaasup iluani oqaatigisinnaasagut oqaaseqatigalugit nunap inui nammineq pilersornerulernissaanut aqqutissiuinerit ingerlatsilertariaqarigut Naleqqamiit kaammattuutigalugit taamatut oqallisissiaq oqaaseqarfigaarput.